

海州文獻錄卷五

州人許喬林編輯

票鹽錄

謹案唐志食貨門附載鹽課其時當淮北疲敝之際故志稱私鹽之緝獲案牘幾滿而盜販日益橫行奪小民籌鹽之利攫官鹽秋運之船確係彼時情形又閱二十餘年而綱鹽之法益弛其利盡歸於梟往往帶刀入市白晝戕人雖文武和衷小懲大誡而黨與旣衆冥頑不靈海上四民幾有岌岌不可終日之勢夫鹽法者我

海州文獻錄

卷五

票鹽

一

國家之利權也淮北每年額課三十一萬截至道光庚寅綜其積欠及虧缺運本之多竟至八百餘萬則是二三十年之額課皆爲紙上空文此其利權竟誰屬乎辛卯壬辰之歲兩江總督陶文毅公旣兼鹽政乃決計劃三壩改運道請仿照山東浙江票引兼行之法癸巳甲午成效已著迄今十年統計淮北之實徵者七百數十萬兩而票鹽十年課額僅需二百二十餘萬十年經費僅支一百萬其撥補江運之數代南融銷之數溢課協貼之數認納懸引之數報効海防

之數將及四百萬自丁酉至辛丑五年南商請
運江岸之鹽三十餘萬引所納稅課七十餘萬
兩尚不在此數內於是乎利權復歸於

朝廷而鴟音久化民氣恬熙間有旱澇偏災雖游
手窮黎皆得從事於鼓枻牽車自食其力近年
義倉儲穀講舍橫經河渠深通關梁整飭設防
肄干城之選崇文裕公車之資其所全者大矣
回憶十年以前之岌岌不可終日者今爲樂土
樂郊皆改行票鹽之嘉績也謹挈其要樞以備
將來修志乘者采擇焉輯票鹽錄第五

海州文獻錄

卷五

票鹽

二

票鹽道光辛卯淮北綱鹽僅捆二萬餘引較定額
不及十分之一兩江總督陶文毅公於附片中陳
其疲憊已久請另行籌辦壬辰四月閱兵海州親
歷鹽池諮諏利病五月請將淮北湖運滯岸及食
鹽各岸改行票鹽癸巳二月請將湖運畱商十一
州縣推廣辦理遐邇聞風輻輳年盛一年旣而挾
貨買鹽者同時咸集乃議行掛號驗貨之法以昭
公允厥後四方民大和會近歲驗貨之數多至千
萬而條理秩然衆情帖服至庚子之冬豫行上稅
之法舉額徵正帶及溢請之課五十七萬有奇並

認納淮南懸引銀三十萬兩報効海防銀三十萬兩悉數清款情出至誠樂輸恐後非能強而致之也顧此加增之數祇可聽其自効而偶一行之夫淮南歲額正雜銀一百九十四萬今淮北一歲所納合之額徵已逾淮南之半固票法之極盛矣假使不畱其有餘而強盡其力不獨票法將敝也卽淮南全局何以資挹注於無窮乎司馬文正公有言善治財者養其所自來而收其所有餘蘇文定公亦曰天下無全利聖人在不究其利李泰伯先生通商論云商通則公利不減而鹽無滯今日之

海州文獻錄

卷五

票鹽

三

票販源源而來可謂通矣是以鹽不滯而利歸於公然其利之所由來則因商之自有所餘而不究

其利耳

喬林

生長胸陽親見綱鹽之疲又幸睹票

鹽之暢私衷過計深恐其暢而復疲也夫鹽法之盛衰繫

國課之盈絀而居是邦者飲和含醇之旣久不能忘當年積薪厝火之時况乎閎議遠猷皆關民瘼固將來志食貨者所必宜知也謹節錄文毅公改票推廣融南協貼及辦理兩淮鹽務八年情形各疏於策辭尙體要至其端緒詳明自有票鹽志略全

書在新增

陶澍請將淮北綱鹽滯岸改票 奏略 陶文毅公奏疏

淮北滯岸久已無鹽接濟商疲課絀必須另籌辦理請仿照浙江山東票引兼行之法於海州所屬之板浦中正臨興三場設局抽稅淮北綱鹽共行安徽河南兩省四十一州縣除安徽江運八州縣暨安徽河南南湖運暢岸十一州縣近雖商疲引積尚非極敝之區有認運者仍令商辦其商力支絀不能兼顧者官督商運一切照舊辦理外惟安徽之鳳陽懷遠鳳臺靈璧阜陽潁上亳州太和蒙城

海州文獻錄

卷五 票鹽

四

英山泗州盱眙天長五河河南之汝陽正陽上蔡新蔡西平遂平息縣確山二十二州縣例由湖運稱爲極滯久已商逋課欠配運不前歷年以來屢施調劑之方迄無成效又江蘇之山陽清河桃源邳州睢寧宿遷贛榆沐陽八州縣係淮北食鹽口岸向因私充官滯錢糧由綱商攤帶食商行無課之鹽近則費重銷絀食商配運亦復寥寥計滯岸二十二州縣內除天長一縣運道例由山陽寶應入高郵湖與淮南引地錯雜仍歸商運以固藩籬外其餘二十一州縣應與食岸八州縣一律變通

改行票鹽以資補救又安東海州兩州縣鹽法志載逼近鹽場例不銷引查安東距最近之板浦場已一百餘里較沭贛距場爲遠海州逼近場地原可參用籌鹽之法惟淮北私梟並不赴場總係掃丁挑赴數十里外各村鎮賣與秤手頭家轉售梟販若籌鹽一行此風仍難盡絕且緝私各卡因有籌鹽名目其不肖者必致任意賄縱一經拏獲私販必藉口買自籌擔而透私之場丁與得賄之兵役皆得置身事外亦應與安東改行票鹽以歸畫一或以票鹽有課居民食貴爲慮不知海州東南

海州文獻錄

卷五

票鹽

五

北三面皆場得鹽甚易日食所資無須籌擔其零斤購用原無票稅可言况以現定科則計之居民卽日食票鹽三錢亦終歲不過用銀二分零不足病民而籌擔一靖實可杜私未便瞻顧致誤全局至票鹽事關創始必有以少課及奸販滋弊爲虞且慮旁侵暢岸漸及淮南者然淮北十數年來引滯岸懸幾於無課可收且虛糜調劑銀兩不下百萬此時淮南商困未甦何能再籌款項調劑淮北且如辛卯一綱淮北配運不及十分之一各岸久爲私販占據今民販之赴場旣由州縣給照票鹽

之出場又有卡員驗放與其任無課之私鹽肆行
侵占不若行少課之票鹽尚可稽查其湖運暢岸
與淮南各岸果能畫界自守則非商運之鹽不能
侵越若巡緝疏懈私鹽且將充斥又何責乎票鹽
現值商力極疲課項久懸而各岸需鹽甚急接濟
爲難舍此別無籌策如果行之有效稅課漸充再
行推廣辦理儻有流弊亦無難卽行停止 道光
十二年五月二十六日奉
硃批依議妥辦戶部知道欽此

陶澍請將湖運暢岸推廣行票

奏略 陶文毅公奏疏

海州文獻錄

卷五

票鹽

六

淮北商運疲敝多年課食兩懸幾成虛設前經 臣

奏請改行票鹽於安徽河南之滯岸二十一州縣並

江蘇之食岸八州縣及例不銷引之海州安東二
州縣先行招販試運給予印票運行照舊額科則
酌減三分之一徵銀七錢二分又鹽價銀六錢四
分辦公各項經費銀五錢二分議定設局設卡章
程並聲明如果有效再行推廣辦理欽奉

諭旨元行在案其暢銷之江運八州縣湖運十一州縣
仍畱爲商人辦運原以改滯畱暢俾累去利存卽
可漸培商力茲查票鹽自上年七月開局起至冬

底截數已請運過二十萬三千一百餘引較原額溢運過半而所留商運暢岸開網兩年之久商人僅請運過十萬五千餘引加以官運六萬六千餘引亦尙未足商岸應運之額現在截數奏銷卽係以票販溢運之數撥補造報而商運引內仍有借欠底馬錢糧未完是商人之積疲莫振雖專留暢岸尙不能勉力轉輸斷難望其轉機查票鹽自試行以來海屬積滯之鹽販運一空窮苦場民藉資甦活卽游手閒民亦得以轉移執事是以上年海州災務極重而地方尙稱安帖實得票鹽之濟其

海州文獻錄

卷五

票鹽

七

皖豫各省向多缺鹽之患官文上下絡繹督催商運仍然不前甚至閉門逃避百姓淡食不得已而買食私鹽地方官亦不得已而佯爲不知督銷有同具文且鹽價騰貴每斤需錢六七十文自票鹽到岸鹽價頓減取攜甚便民情安之從前私梟充斥每因地方乏鹽得以乘虛而入而曬掃各場民亦因商不收買鹽無出路不得已而偷漏於梟其實場民一與梟接卽受其脅制得不償失私梟雖多亡命之徒內中亦有身家鋌而走險原非所性茲旣轉運流通彼此無須偷漏卽可化梟爲良迥

異從前之私充課絀現在票鹽之課溢於原額淮
北通綱之引俱已請運全竣是票鹽之利實足以
下便民生上裕

國課業已試行有效自應欽遵前奉

諭旨卽行推廣辦理除例由江運之安徽省桐城舒城
無爲合肥廬江巢縣滁州來安八州縣及例由高
郵湖運之天長一縣俱與淮南引地錯雜未便招
販行票致啟侵灌其原額八萬一千六百二十引
照舊由商認辦並隨時察看情形濟以官運保固
淮南藩籬外所有湖運暢岸安徽省之壽州定遠

海州文獻錄

卷五

票鹽

八

六安霍山霍邱河南省之信陽羅山光州固始光
山商城十一州縣額運九萬六千三百九十三引
併食鹽融綱一萬三千三百五十五引請一律推
廣照淮北滯岸章程招商販運改行票鹽查上年
所議課則較原額酌減係因試行伊始輕本以利
招徠旋因經費有餘撥還原額今旣試行有效更
可復還舊制應照淮北原定科則每引徵銀一兩
五分一釐其另徵經費五錢二分爲傾鎔解費設
局設卡巡緝委員薪水書役紙飯及公費等項之
用上年旣有節省撥補正課應將經費酌減一錢

二分每引徵銀四錢前定鹽價六錢四分亦酌減四分統計每引鹽四百斤爲一票共徵銀二兩五分一釐此外不許絲毫增加俾票販易於運行課項無虞短絀如有多運卽以融代江運之不足及未請殘綱各積引以彌全局惟思票販章程原議指定請運州縣填註票內越境卽以私論係屬保固商岸之意茲商旣運不敷額而票販所行各岸有請至數萬引者亦有僅請百十引者鹽多旣慮其滯銷鹽少又慮其乏食難免窒礙自應量爲變通如票鹽業已出卡經委員加印驗戳運行之後

海州文獻錄

卷五 票鹽

九

因所指州縣鹽壅銷滯准其就所在地方呈明轉運他岸通融售賣但不得越出票鹽四十一州縣之界外儻或南侵淮南與江運各岸北越潞東長蘆各引地仍照私梟例治罪並分飭地方文武嚴查地棍匪徒毋許阻撓禁止丁書兵役毋許騷擾務使票販益就招徠淮北可期大有起色 道光十三年三月准 部覆奉

旨依議欽此

陶澍請將淮南懸引融運淮北

奏略

陶文毅公奏疏

淮鹽雖分南北經理同一運司從前淮北倒罷業

已片引不行近因改行票鹽淮北引課連次奏銷有贏無絀而淮南則仍形竭蹙各商力能辦運者僅有數家內許宏遠尉躋美二家向係大商楚西安慶等岸派運引鹽不下二十餘萬去冬因疲乏倒歇臣於春間奏蒙

聖鑒在案嗣經開辦丁酉新綱節次札飭護運司另招新商承辦該二商懸引以期趕完額課去後茲查各岸存剩殘引未銷並開江在途及各商已納課未運之鹽尙幾及兩綱之數雖經臣與江廣各督撫臣殫力籌維柰殘積過多一時實難暢銷商人

海州文獻錄

卷五

票鹽

十

費本占閣完課甚屬拮据視辦運爲畏途以故許尉二商空懸之引半載以來竟莫肯承充認運若加派現運各商更屬力難兼顧計距來年奏銷之期不及五個月察看情形必須將該二商懸空之引早爲籌畫方可望趕敷額課查嘉慶四年淮北行運綱鹽因滯銷商疲遞年積壓經前鹽臣書魯奏明於己未庚申兩綱內提出十萬單引融銷淮南江廣等岸欽奉

諭旨依議欽遵又嘉慶八年續將淮北壬戌未銷引鹽融撥淮南十萬單引又嘉慶十三年復因淮北額引

未能暢銷自己巳綱起至戊寅綱止每綱融入淮南行銷鹽四萬單引又嘉慶十六年淮北未運庚午引內分撥淮南十萬單引又道光五年淮北甲申綱未運鹽二十六萬六千餘引融撥淮南帶運均經前鹽臣

奏准遵行各在案是從前淮北疲弊屢經融運淮南代完北課幾以爲常現在淮南滯銷準情揣勢亦宜將南課暫融於北以期通利查淮北自改行票鹽以來上年造報乙未綱奏銷各票販溢請三十二萬六千二百餘引因其鹽尙未全運經臣

海州文獻錄

卷五 票鹽

十一

奏明查照上屆章程歸入丙申綱造報本年淮北各場陸續曬掃捆清上年未運之鹽祇須再請票鹽數萬引卽敷丙申一綱之額若因年額已清竟停收售則民販挾貲來場旣未免空勞往返而各場產積日多轉恐透漏滋弊反復熟籌莫如將丁酉淮南綱食引內提出二十萬引連帶乙未一分二萬引融運淮北行銷令民販完稅請票卽將所完之稅撥補淮南許尉二商空懸之課如此則淮南懸積之引有著各商卽可騰出貲本趕辦淮南應運之課以副來年二月底奏銷限期一轉移間南

北兩淮均得其便查淮北票鹽成本較輕鄰私無從侵灌近年生齒日繁鹽斤本可多銷祇因各處私充官滯是以銷路愈窄今票鹽之法便民卽以裕課不但化梟爲良而且化私爲官是官鹽之課旣得又添一倍化私之課撥此二十餘萬引融於淮北並不至於窒滯兼今歲淮南各場因春間雨雪過多產鹽稍缺更當因時變通以收酌盈劑虛之用於歷年南北融運成案亦復相符毫無妨礙相應

奏明請

海州文獻錄

卷五

票鹽

三

旨援照辦理以期南北兩利裕奏銷而免周章至南北每引正課大略相同惟淮南外帶各項雜款爲數甚多此次融撥二十二萬引除將票稅經費等項儘數抵收淮南正雜課銀外其外帶各雜款尙有不敷仍於淮南綱食本岸所運引內分別加攤計楚西科則連加攤融北外款每引共止完銀四兩一錢有零並不爲重而安池太及食岸科則仍復有減無增 道光十七年十一月准 部覆奉旨依議欽此

陶澍請將淮北溢課協貼淮南

奏略

陶文毅公奏疏

淮南正雜各項每綱應需銀五百餘萬遞年正課
二百餘萬兩尚可按分造報奏銷無誤惟雜款錢
糧向來須俟運完一綱之鹽方交清一綱之課頻
年岸銷積滯回課稽遲雖經湖廣江西安徽督撫
臣凜遵

諭旨竭力籌疏而額引未能全銷商力仍形疲乏凡京
外各衙門帑利規費等項爲辦公所需必不可緩
之款半因商課未完無憑全解以致頻有

奏催咨催而運庫積欠尙多各處緊款待用不得不
向他款動那年復一年難免增累臣身任離綱時

海州文獻錄

卷五

票鹽

三

深焦灼本年丁酉一綱於二月杪造報奏銷經臣
督飭運司催商納課早晚籌完正餉尙能勉副限
期轉瞬戊戌新綱又須開辦縱使岸銷漸暢而在
前殘積過多此時趨行匪易一切帑利規費等款
仍恐應解爲難再三躊躇別無長策惟查淮北引
課原額止二十九萬六千九百八十二引數年以
來各岸改行票鹽本輕銷暢收課充足每綱加帶
殘鹽總造報三十七萬五千餘引除商運官運之
外按年

奏准行票約在四十萬引內外節省經費溢課爲數

尙多竊思正餉雜課均屬度支淮北之票稅多增
固足資戶部撥用淮南之雜款少解難免各處催
追欲圖催解有應實莫如酌盈劑虛應請嗣後淮
北奏銷每年仍按原額造報其加帶殘鹽尙有庚
寅戊子未帶之七萬九千數百餘引擬酌畱江運
八岸每綱帶殘二萬引不過四年即可加帶全清
計淮北正殘各課俱已如額此外票鹽溢課及經
費餘存並每引酌量加增雜課二錢共可得銀三
十餘萬兩以之協貼淮南雜款分別緩急先儘解
交庶各處需用有資亦免動那他款且戊戌開綱

海州文獻錄

卷五

票鹽

四

淮南減完銀三十餘萬兩按照楚西科則每引少
交雜課三錢各商亦必形踴躍如將來南鹽旺銷
可以無資協貼抑或票鹽有時稍滯不能兼顧淮
南仍隨時體察情形由臣奏請停止歸商照常徵
解如此酌量變通辦理似於解款商情兩有裨益
至淮北雖向無雜款而近年票販頗能獲利每引
加增雜課二錢亦不爲重現在已屆票鹽開局之
期若臣

奏定飭遵誠恐有稽收稅臣已札行總辦分司趕緊
開局照辦以免遲誤 道光十八年三月十一日

奉

硃批既開局照辦自必胸有成竹妥爲之該部知道欽此

陶澍辦理兩淮鹽務八年情形

奏略

陶文毅公奏疏

兩淮鹽務爲東南財賦之區

國帑民生攸關甚鉅自嘉慶末年口岸滯銷商情困敝大局難支馴至道光十年鹺綱廢壞已一蹙而不可復振仰奉

特旨裁除鹽政改歸總督管理臣受事之初原知整頓

維艱實與從新起造無異祇以渥承

海州文獻錄

卷五

票鹽

十五

高厚不敢避事畏難用是任怨任勞力圖報稱數年以來仰荷

聖明洞燭隨時

指示機宜如裁浮費散輪規禁私梟輕課本均能培養商力保固庫儲故自道光元年辛巳綱起至十年庚寅綱止十綱之中淮南商辦課運止有五綱七分而欠帑積至一千九百八十餘萬今自道光十一年辛卯綱起至十七年丁酉綱止七綱之中已報過六綱奏銷而帶完乙未一綱亦納有三分之二課除十八年戊戌一綱仰沐

天恩准將南課融北現經督飭運司趕辦奏銷卽日截數移交後任造報外通計已報部撥正款共銀八百八十四萬三千一百六十七兩九錢七釐仍有專案起解之織造銅斤河餉銀一百七十八萬四千二百七十三兩二分歷綱報解京外帑利各省鹽規匣費並解京節省濫斤變價共銀六百四十四萬二千三百八兩七錢八分九釐而在前統引借帑扣留等事八年來從未上瀆

宸聰且於正額之外完過己庚殘課新疆經費積欠濫價歸還墊款共銀三百二十七萬七千三百五十

海州文獻錄

卷五

票鹽

六

八兩六錢三分皆辛卯以前歷前任所欠而帶完於辛卯以後此淮南歷綱課運之實情也又淮北自道光元年辛巳綱起至十年庚寅綱止十綱之中僅運及三綱四分有零其銃銷停運融南各項多至六綱五分以外而十綱應完課銀二百七十一萬餘兩僅完銀七十萬四千餘兩實未完銀二百萬六千餘兩今自道光十一年辛卯綱起至十七年丁酉綱止七綱之中除徵足奏銷銀一百八十九萬七千二百七十六兩四錢九釐仍有專案起解之織造銀十五萬四千兩又代辛卯以前徵

完過已庚戌子殘課銀六十一萬六千六百四十六兩二錢一分四釐仍有溢完課項撥抵淮南懸課銀九十八萬九千四百七十五兩六錢五分五釐計按額溢徵銀一百六十萬六千六百二十一兩八錢六分九釐而戊戌本綱開局驗費已經收稅未解運庫銀兩尙不在此數內此又淮南北改行票鹽徵收票稅之實情也以上淮南北正雜課款統計報完銀二千四百萬四千五百六兩六錢二分四釐在淮南北改行票法輕本便民課額充溢實已大收成效惟淮南引地遠行湖廣江西等省一

海州文獻錄

卷五

票鹽

七

切疏引緝私究屬鞭長莫及以致鄰鹽侵灌口岸滯銷新舊引張多形積壓每綱

奏銷僅完課八分有零雖下綱補足究非於本綱內十分全完而帑利鹽規匣費等雜款因口岸緩納銀兩回課較遲報解亦稍從緩此則舊規未復深慙上負

恩知然臣體察情形實亦淮綱頽廢未易挽回不得不酌盈劑虛以期勉籌課運未敢操切從事轉使商情渙散全局難以支持至淮南北票鹽或有以侵灌淮南爲詞者臣查道光元年至十年爲止淮南北統

運不足三綱而統銷停運融南各引共一百七十
四萬四千餘道計此十年之內淮南統銷停運之
鹽亦卽有五百九十餘萬引彼時並未行票何以
北引旣經積存南鹽又復積滯可見南綱之疲乏
非關北票之侵充而自改行票法以來淮北協貼
淮南除本年現已徵存之三十數萬餘兩未據運
庫報收外實計兩年之內共又代完南課銀九十
八萬九千餘兩似乎轉移通變尙堪挹注度支
國計所關不無裨補 道光十九年三月二十一日
奉

海州文獻錄

卷五

票鹽

六

硃批覽奏均悉欽此